# 李贺诗词全集【共237首】

在线地址:http://www.shicimingju.com/baidu/zuozhe/%E6%9D%8E%E8%B4%BA

### 《雁门太守行》

作者: 李贺 年代: 唐

黑云压城城欲摧,甲光向日金鳞开。 角声满天秋色里,塞上燕脂凝夜紫。 半卷红旗临易水,霜重鼓寒声不起。 报君黄金台上意,提携玉龙为君死。

### 《将进酒》

作者:李贺 年代:唐

琉璃钟,琥珀浓,小槽酒滴真珠红。

烹龙炮凤玉脂泣,罗帏绣幕围香风。

吹龙笛,击鼍鼓;皓齿歌,细腰舞。

况是青春日将暮,桃花乱落如红雨。

劝君终日酩酊醉,酒不到刘伶坟上土!

### 《苏小小墓》

作者:李贺 年代:唐

幽兰露,如啼眼。

无物结同心,

烟花不堪剪。

草如茵,松如盖。

风为裳,水为珮。

油壁车,夕相待。

冷翠烛, 劳光彩。

西陵下,风吹雨。

### 《恼公》

作者: 李贺 年代: 唐

宋玉愁空断,娇饶粉自红。

歌声春草露,门掩杏花丛。

注口樱桃小,添眉桂叶浓。

晓奁妆秀靥,夜帐减香筒。

钿镜飞孤鹊,江图画水荭。

陂陀梳碧凤 , 腰袅带金虫。

杜若含清露,河蒲聚紫茸。

月分蛾黛破,花合靥朱融。

发重疑盘雾,腰轻乍倚风。

密书题豆蔻,隐语笑芙蓉。

莫锁茱萸匣,休开翡翠笼。

弄珠惊汉燕,烧蜜引胡蜂。

醉缬抛红网,单罗挂绿蒙。

数钱教姹女, 买药问巴賨。

匀脸安斜雁,移灯想梦熊。 肠攒非束竹, 舷急是张弓。 晚树迷新蝶,残霓忆断虹。 古时填渤澥,今日凿崆峒。 绣沓褰长幔,罗裙结短封。 心摇如舞鹤,骨出似飞龙。 井槛淋清漆,门铺缀白铜。 偎花开兔径,向壁印狐踪。 玳瑁钉帘薄,琉璃叠扇烘。 象床缘素柏,瑶席卷香葱。 细管吟朝幌, 芳醪落夜枫。 宜男生楚巷,栀子发金墉。 龟甲开屏涩,鹅毛渗墨浓。 黄庭留卫瓘,绿树养韩冯。 鸡唱星悬柳,鸦啼露滴桐。 黄娥初出座,宠妹始相从。 蜡泪垂兰烬,秋芜扫绮栊。 吹笙翻旧引, 沽酒待新丰。 短佩愁填粟,长弦怨削菘。 曲池眠乳鸭,小阁睡娃僮。 褥缝簪双线,钩绦辫五总。 蜀烟飞重锦,峡雨溅轻容。 拂镜羞温峤,薰衣避贾充。 鱼生玉藕下,人在石莲中。 含水弯蛾翠,登楼潠马鬃。 使君居曲陌,园令住临邛。 桂火流苏暖,金炉细炷通。 春迟王子态,莺啭谢娘慵。 玉漏三星曙,铜街五马逢。 犀株防胆怯,银液镇心忪。 跳脱看年命,琵琶道吉凶。 王时应七夕, 夫位在三宫。 无力涂云母,多方带药翁。 符因青鸟送,囊用绛纱缝。 汉苑寻官柳,河桥阂禁钟。

# 《恼公》

作者: 李贺 年代: 唐 宋玉愁空断,娇饶粉自红。 歌声春草露,门掩杏花丛。 注口樱桃小,添眉桂叶浓。 晓奁妆秀靥,夜帐减香筒。 钿镜飞孤鹊,江图画水荭。 陂陀梳碧凤,腰袅带金虫。 杜若含清露,河蒲聚紫茸。 月分蛾黛破,花合靥朱融。 发重疑盘雾,腰轻乍倚风。 密书题豆蔻,隐语笑芙蓉。 莫锁茱萸匣,休开翡翠笼。 弄珠惊汉燕,烧蜜引胡蜂。 醉缬抛红网,单罗挂绿蒙。 数钱教姹女,买药问巴賨。 匀脸安斜雁,移灯想梦熊。 肠攒非束竹, 舷急是张弓。

月明中妇觉,应笑画堂空。

晚树迷新蝶,残霓忆断虹。 古时填渤澥,今日凿崆峒。 绣沓褰长幔,罗裙结短封。 心摇如舞鹤,骨出似飞龙。 井槛淋清漆,门铺缀白铜。 偎花开兔径,向壁印狐踪。 玳瑁钉帘薄,琉璃叠扇烘。 象床缘素柏,瑶席卷香葱。 细管吟朝幌 , 芳醪落夜枫。 宜男生楚巷,栀子发金墉。 龟甲开屏涩,鹅毛渗墨浓。 黄庭留卫瓘,绿树养韩冯。 鸡唱星悬柳,鸦啼露滴桐。 黄娥初出座,宠妹始相从。 蜡泪垂兰烬, 秋芜扫绮栊。 吹笙翻旧引,沽酒待新丰。 短佩愁填粟,长弦怨削菘。 曲池眠乳鸭,小阁睡娃僮。 褥缝簪双线,钩绦辫五总。 蜀烟飞重锦,峡雨溅轻容。 拂镜羞温峤,薰衣避贾充。 鱼生玉藕下,人在石莲中。 含水弯蛾翠,登楼潠马鬃。 使君居曲陌, 园令住临邛。 桂火流苏暖,金炉细炷通。 春迟王子态,莺啭谢娘慵。 玉漏三星曙,铜街五马逢。 犀株防胆怯,银液镇心忪。 跳脱看年命,琵琶道吉凶。 王时应七夕, 夫位在三宫。 无力涂云母,多方带药翁。 符因青鸟送,囊用绛纱缝。 汉苑寻官柳,河桥阂禁钟。

### 《金铜仙人辞汉歌》

月明中妇觉,应笑画堂空。

作者:李贺 年代:唐

茂陵刘郎秋风客,夜闻马嘶晓无迹。画栏桂树悬秋香,三十六宫土花碧。魏官牵车指千里,东关酸风射眸子。空将汉月出宫门,忆君清泪如铅水。衰兰送客咸阳道,天若有情天亦老。携盘独出月荒凉,渭城已远波声小。

#### 《南园》

作者: 李贺 年代: 唐 男儿何不带吴钩, 收取关山五十州。 请君暂上凌烟阁, 若个书生万户侯。

#### 《南园》

作者: 李贺 年代: 唐 方领蕙带折角巾, 杜若已老兰苕春。南山削秀蓝玉合, 小雨归去飞凉云。熟杏暖香梨叶老,草梢竹栅锁池痕。 郑公乡老开酒尊,坐泛楚奏吟招魂。

### 《马》

作者: 李贺 年代: 唐 大漠沙如雪, 燕山月似钩。 何当金络脑, 快走踏清秋。

#### 《天上谣》

作者:李贺 年代:唐 天河夜转漂回星,银浦流云学水声。 玉宫桂树花未落,仙妾采香垂佩缨。 秦妃卷帘北窗晓,窗前植桐青凤小。 王子吹笙鹅管长,呼龙耕烟种瑶草。 粉霞红绶藕丝裙,青洲步拾兰苕春。 东指羲和能走马,海尘新生石山下。

### 《马诗二十三首》

作者: 李贺 年代: 唐 龙脊贴连钱,银蹄白踏烟。 无人织锦韂,谁为铸金鞭。

腊月草根甜,天街雪似盐。 未知口硬软,先拟蒺藜衔。

忽忆周天子,驱车上玉山。 鸣驺辞凤苑,赤骥最承恩。

此马非凡马,房星本是精。 向前敲瘦骨,犹自带铜声。

大漠沙如雪,燕山月似钩。 何当金络脑,快走踏清秋。

饥卧骨查牙,粗毛刺破花。 鬣焦珠色落,发断锯长麻。

西母酒将阑,东王饭已干。 君王若燕去,谁为曳车辕?

赤兔无人用,当须吕布骑。 吾闻果下马,羁策任蛮儿。

催榜渡乌江[1],神骓泣向风。 君王[2]今解剑,何处逐英雄?

内马赐宫人,银鞯刺麒麟。 午时盐坂上,蹭蹬溘风尘。

批竹初攒耳,桃花未上身。

他时须搅阵,牵去借将军。

宝玦谁家子,长闻侠骨香。 堆金买骏骨,将送楚襄王。

香幞赭罗新,盘龙蹙蹬鳞。 回看南陌上,谁道不逢春?

不从桓公猎,何能伏虎威? 一朝沟陇出,看取拂云飞。

唐剑斩隋公, [3]毛属太宗。 莫嫌金甲重,且去捉飘风。

白铁锉青禾, 砧间落细莎。 世人怜小颈, 金埒畏长牙。

伯乐向前看,旋毛在腹间。 只今掊白草,何日蓦青山?

萧寺驮经马,元从竺国来。 空知有善相,不解走章台。

重围如燕尾,宝剑似鱼肠。 欲求千里脚,先采眼中光。

暂系腾黄马,仙人上彩楼。 须鞭玉勒吏,何事谪高州?

汉血到王家,随鸾撼玉珂。 少君骑海上,人见是青骡。

武帝爱神仙,烧金得紫烟。 厩中皆肉马,不解上青天。

#### 《致酒行》

作者:李贺 年代:唐 零落栖迟一杯酒,主人奉觞客长寿。 主父西游困不归,家人折断门前柳。 吾闻马周昔作新丰客,天荒地老无人识。 空将笺上两行书,直犯龙颜请恩泽。 我有迷魂招不得,雄鸡一声天下白。 少年心事当拿云,谁念幽寒坐呜呃。

#### 《致酒行》

作者:李贺 年代:唐 零落栖迟一杯酒,主人奉觞客长寿。 主父西游困不归,家人折断门前柳。 吾闻马周昔作新丰客,天荒地老无人识。 空将笺上两行书,直犯龙颜请恩泽。 我有迷魂招不得,雄鸡一声天下白。 少年心事当拿云,谁念幽寒坐呜呃。

### 《老夫采玉歌》

作者:李贺 年代:唐

采玉采玉须水碧,琢作步摇徒好色。 老夫饥寒龙为愁,蓝溪水气无清白。 夜雨冈头食蓁子,杜鹃口血老夫泪。 蓝溪之水厌生人,身死千年恨溪水。 斜杉柏风雨如啸,泉脚挂绳青袅袅。 村寒白屋念娇婴,古台石磴悬肠草。

### 《老夫采玉歌》

作者:李贺 年代:唐

采玉采玉须水碧,琢作步摇徒好色。 老夫饥寒龙为愁,蓝溪水气无清白。 夜雨冈头食蓁子,杜鹃口血老夫泪。 蓝溪之水厌生人,身死千年恨溪水。 斜杉柏风雨如啸,泉脚挂绳青袅袅。 村寒白屋念娇婴,古台石磴悬肠草。

### 《秋来》

作者:李贺 年代:唐 桐风惊心壮士苦,衰灯络纬啼寒素。 谁看青简一编书,不遣花虫粉空蠹? 思牵今夜肠应直,雨冷香魂吊书客。 秋坟鬼唱鲍家诗,恨血千年土中碧。

#### 《感讽六首》

作者:李贺 年代:唐 人闲春荡荡,帐暖香扬扬。 飞光染幽红,夸娇来洞房。 舞席泥金蛇,桐竹罗花床。 眼逐春瞑醉,粉随泪色黄。 王子下马来,曲沼鸣鸳鸯。 焉知肠车转,一夕巡九方。

苦风吹朔寒,沙惊秦木折。 舞影逐空天,画鼓余清节。 蜀书秋信断,黑水朝波咽。 娇魂从回风,死处悬乡月。

杂杂胡马尘,森森边士戟。 天教胡马战,晓云皆血色。 妇人携汉卒,箭箙囊巾帼。 不惭金印重,踉锵腰鞬力。 恂恂乡门老,昨夜试锋镝。 走马遣书勋,谁能分粉墨?

青门放弹去,马色连空郊。 何年帝家物,玉装鞍上摇。 去去走犬归,来来坐烹羔。 千金不了馔,貉肉称盘臊。 试问谁家子,乃老能佩刀。 西山白盖下,贤俊寒萧萧。

晓菊泫寒露,似悲团扇风。 秋凉经汉殿,班子泣衰红。 本无辞辇意,岂见入空宫。 腰衱佩珠断,灰蝶生阴松。

蝶飞红粉台,柳扫吹笙道。 十日悬户庭,九秋无衰草。 调歌送风转,杯池白鱼小。 水宴截香腴,菱科映青罩。 (++丰)蒙梨花满,春昏弄长啸。 惟愁苦花落,不悟世衰到。 抚旧惟销魂,南山坐悲峭。

### 《感讽六首》

作者:李贺 年代:唐

人间春荡荡,帐暖香扬扬。飞光染幽红,夸娇来洞房。 舞席泥金蛇,桐竹罗花床。眼逐春瞑醉,粉随泪色黄。 王子下马来,曲沼鸣鸳鸯。焉知肠车转,一夕巡九方。 苦风吹朔寒,沙惊秦木折。舞影逐空天,画鼓馀清节。 蜀书秋信断,黑水朝波咽。娇魂从回风,死处悬乡月。 杂杂胡马尘,森森边士戟。天教胡马战,晓云皆血色。 妇人携汉卒,箭箙囊巾帼。不惭金印重,踉跄腰鞬力。 恂恂乡门老,昨夜试锋镝。走马遣书勋,谁能分粉墨。 青门放弹去,马色连空郊。何年帝家物,玉装鞍上摇。 去去走犬归,来来坐烹羔。千金不了馔,狢肉称盘臊。 试问谁家子,乃老能佩刀。西山白盖下,贤俊寒萧萧。 晓菊泫寒露,似悲团扇风。秋凉经汉殿,班子泣衰红。 本无辞辇意,岂见入空宫。腰衱珮珠断,灰蝶生阴松。 蝶飞红粉台,柳扫吹笙道。十日悬户庭,九秋无衰草。 调歌送风转,杯池白鱼小。水宴截香腴,菱科映青罩。 蒙梨花满,春昏弄长啸。唯愁苦花落,不悟世衰到。 抚旧唯销魂,南山坐悲峭。

#### 《秦王饮酒》

作者:李贺 年代:唐 秦王骑虎游八极,剑光照空天自碧。 羲和敲日玻璃声,劫灰飞尽古今平。 龙头泻酒邀酒星,金槽琵琶夜枨枨。 洞庭雨脚来吹笙,酒酣喝月使倒行。 银云栉栉瑶殿明,宫门掌事报一更。 花楼玉凤声娇狞,海绡红文香浅清, 黄鹅跌舞千年觥。仙人烛树蜡烟轻, 清琴醉眼泪泓泓。

### 《七夕》

作者:李贺 年代:唐 别浦今朝暗,罗帷午夜愁。 鹊辞穿线月,花入曝衣楼。 天上分金镜,人间望玉钩。 钱塘苏小小,更值一年秋。

#### 《浩歌》

作者:李贺 年代:唐 南风吹山作平地,帝遣天吴移海水。 王母桃花千遍红,彭祖巫咸几回死? 青毛骢马参差钱,娇春杨柳含细烟。 筝人劝我金屈卮,神血未凝身问谁? 不需浪饮丁都护,世上英雄本无主。 买丝绣作平原君,有酒惟浇赵州土。 漏催水咽玉蟾蜍,卫娘发薄不胜梳。 看见秋眉换新绿,二十男儿那刺促。

#### 《昌谷北园新笋四首》

作者: 李贺 年代: 唐 箨落长竿削玉开, 君看母笋是龙材。 更容一夜抽千尺, 别却池园数寸泥。

斫取青光写楚辞,腻香春粉黑离离。 无情有恨何人见,露压烟啼千万枝。

家泉石眼两三茎,晓看阴根紫陌生。 今年水曲春沙上,笛管新篁拔玉青。

古竹老梢惹碧云,茂陵归卧叹清贫。 风吹千亩迎雨啸,鸟重一枝入酒樽。

#### 《苦昼短》

作者:李贺 年代:唐 飞光飞光,劝尔一杯酒。 吾不识青天高,黄地厚。 唯见月寒日暖,来煎人寿。 食熊则肥,食蛙则瘦。 神君何在,太一安有? 天东有若木,下置衔烛龙。 吾将斩龙足,嚼龙肉, 使之朝不得回,夜不得伏。 自然老者不死,少者不哭。 何为服黄金,吞白玉? 谁似任公子,云中骑碧驴? 刘彻茂陵多滞骨,嬴政梓棺费鲍鱼。

#### 《其二》

作者:李贺 年代:唐 别柳当马头,官槐如兔目。 欲将千里别,持此易斗粟。 南云北云空脉断,灵台经络悬春线。 青轩树转月满床,下国饥儿梦中见。 维尔之昆二十余,年来持镜颇有须。 辞家三载今如此,索米王门一事无。 荒沟古水光如刀,庭南拱柳生蛴螬。 江干幼客真可念,郊原晚吹悲号号。

#### 《其二》

作者:李贺 年代:唐 奇俊无少年,日车何躃躃。 我待纡双绶,遗我星星发。 都门贾生墓,青蝇久断绝。 寒食摇扬天,愤景长肃杀。 皇汉十二帝,唯帝称睿哲。 一夕信竖儿,文明永沦歇。

### 《塞下曲》

作者:李贺 年代:唐 胡角引北风,蓟门白于水。 天含青海道,城头月千里。 露下旗蒙蒙,寒金鸣夜刻。 蕃甲锁蛇鳞,马嘶青冢白。 秋静见旄头,沙远席箕愁。 帐北天应尽,河声出塞流。

#### 《南山田中行》

作者:李贺 年代:唐 秋野明,秋风白,塘水漻漻虫啧啧。 云根台藓山上石,冷红泣露娇啼色。 荒畦九月稻叉牙,蛰萤低飞陇径斜。 石脉水流泉滴沙,鬼灯如漆点松花。

# 《南山田中行》

作者: 李贺 年代: 唐 秋野明, 秋风白, 塘水漻漻虫啧啧。 云根台藓山上石,冷红泣露娇啼色。 荒畦九月稻叉牙,蛰萤低飞陇径斜。 石脉水流泉滴沙,鬼灯如漆点松花。

### 《南园十三首》

作者:李贺 年代:唐

花枝草蔓眼中开,小白长红越女腮。可怜日暮嫣香落,嫁与春风不用媒。

宫北田塍晓气酣,黄桑饮露窣宫帘。 长腰健妇偷攀折,将喂吴王八茧蚕。

竹里缲丝挑网车,青蝉独噪日光斜。 桃胶迎夏香琥珀,自课越佣能种瓜。

三十未有二十馀,白日长饥小甲蔬。桥头长老相哀念,因遗戎韬一卷书。

男儿何不带吴钩, 收取关山五十州。 请君暂上凌烟阁, 若个书生万户侯。

寻章摘句老雕虫,晓月当帘挂玉弓。 不见年年辽海上,文章何处哭秋风。

长卿牢落悲空舍,曼倩诙谐取自容。 见买若耶溪水剑,明朝归去事猿公。

春水初生乳燕飞,黄蜂小尾扑花归。 窗含远色通书幌,鱼拥香钩近石矶。

泉沙软卧鸳鸯暖,曲岸回篙舴艋迟。 泻酒木栏椒叶盖,病容扶起种菱丝。

边让今朝忆蔡邕,无心裁曲卧春风。 舍南有竹堪书字,老去溪头作钓翁。

长峦谷口倚嵇家,白昼千峰老翠华。 自履藤鞋收石蜜,手牵苔絮长莼花。

松溪黑水新龙卵,桂洞生硝旧马牙。 谁遣虞卿裁道帔,轻绡一匹染朝霞。

小树开朝径,长茸湿夜烟。柳花惊雪浦,麦雨涨溪田。 古刹疏钟度,遥岚破月悬。沙头敲石火,烧竹照渔船。

#### 《感讽五首 其五》

作者: 李贺 年代: 唐 石根秋水明, 石畔秋草瘦。 侵衣野竹香, 蛰蛰垂野厚。 岑中月归来,蟾光挂空秀。 桂露对仙娥,星星下云逗。 凄凉栀子落,山璺泣清漏。 下有张仲蔚,披书案将朽。

### 《开愁歌》

作者:李贺 年代:唐 秋风吹地百草干,华容碧影生晚寒。 我当二十不得意,一心愁谢如枯兰。 衣如飞鹑马如狗,临岐击剑生铜吼。 旗亭下马解秋衣,请贳宜阳一壶酒。 壶中唤天云不开,白昼万里闲凄迷。 主人劝我养心骨,莫受俗物相填(豕灰)。

### 《官街鼓》

作者: 李贺 年代: 唐 晓声隆隆催转日,暮声隆隆催月出。 汉城黄柳映新帘,柏陵飞燕埋香骨。 捶碎千年日长白,孝武秦皇听不得。 从君翠发芦花色,独共南山守中国。 几回天上葬神仙,漏声相将无断绝。

### 《野歌》

作者:李贺 年代:唐 鸦翎羽箭山桑弓,仰天射落衔芦鸿。 麻衣黑肥冲北风,带酒日晚歌田中。 男儿屈穷心不穷,枯荣不等嗔天公。 寒风又变为春柳,条条看即烟蒙蒙。

# 《荣华乐(一作东洛梁家谣)》

作者:李贺 年代:唐 鸢肩公子二十余,齿编贝,唇激朱。 气如虹霓,饮如建瓴,走马夜归叫严更。 径穿复道游椒房, 尨裘金玦杂花光。 玉堂调笑金楼子,台下戏学邯郸倡。 口吟舌话称女郎,锦祛绣面汉帝旁。 得明珠十斛,白壁一双。 新诏垂金曳紫光煌煌。 马如飞,人如水,九卿六官皆望履。 将回日月先反掌,欲作江河惟画地。 峨峨虎冠上切云,竦剑晨趋凌紫氛。 绣段千寻贻皂隶,黄金百镒贶家臣。 十二门前张大宅,晴春烟起连天碧。 金铺缀日杂红光,铜龙啮环似争力。 瑶姬凝醉卧芳席,海素笼窗空下隔。 丹穴取凤充行庖, 貜貜如拳那足食? 金蟾呀呀兰烛香,军装武妓声琅珰。 谁知花雨夜来过?但见池台春草长。 嘈嘈弦吹匝天开,洪崖箫声绕天来。 天长一矢贯双虎,云弝绝骋聒旱雷。 乱袖交竿管儿舞。吴音绿鸟学言语。 能教刻石平紫金,解送刻毛寄新兔。 三皇后,七贵人,五十校尉二将军。 当时飞去逐彩云, 化作今日京华春。

### 《杨生青花紫石砚歌》

作者: 李贺 年代: 唐 端州石工巧如神, 踏天磨刀割紫云。 佣刓抱水含满唇,暗洒苌弘冷血痕。 纱帷昼暖墨花春,轻沤漂沫松麝薰。 干腻薄重立脚匀,数寸光秋无日昏。 圆毫促点声静新,孔砚宽顽何足云!

# 《送秦光禄北征》

作者: 李贺 年代: 唐 北虏胶堪折,秋沙乱晓鼙。 髯胡频犯塞, 骄气似横霓。 灞水楼船渡,营门细柳开。 将军驰白马,豪彦骋雄材。 箭射欃枪落,旗悬日月低。 榆稀山易见,甲重马频嘶。 天远星光没,沙平草叶齐。 风吹云路火,雪污玉关泥。 屡断呼韩颈,曾然董卓脐。 太长犹旧宠,光禄是新阶。 宝玦麒麟起,银壶狒狖啼。 桃花连马发,彩絮扑鞍来。 呵臂悬金斗, 当唇注玉罍。 清苏和碎蚁,紫腻卷浮杯。 虎鞹先蒙马。鱼肠且断犀。 (走参)(走覃)西旅狗,蹙额北方奚。 守帐然香暮,看鹰永夜栖。 黄龙就别镜,青冢念阳台。 周处长桥役,侯调短弄哀。 钱塘阶凤羽,正室掰鸾钗。 内子攀琪树, 羌儿奏落梅。 今朝擎剑去,何日刺蛟回。

### 《咏怀二首 其二》

作者:李贺 年代:唐 日夕著书罢,惊霜落素丝。 镜中聊自笑,讵是南山期。 头上无幅巾,苦蘗已染衣。 不见清溪鱼,饮水得相宜。

#### 《巫山高》

作者:李贺 年代:唐 碧丛丛,高插天,大江翻澜神曳烟。 楚魂寻梦风飒然,晓风飞雨生苔钱。 瑶姬一去一千年,丁香筇竹啼老猿。 古祠近月蟾桂寒,椒花坠红湿云间。

#### 《长歌续短歌》

作者:李贺 年代:唐 长歌破衣襟,短歌断白发。 秦王不可见,旦夕成内热。 渴饮壶中酒,饥拔陇头粟。 凄凄四月阑,千里一时绿。 夜峰何离离,明月落石底。 徘徊沿石寻,照出高峰外。 不得与之游,歌成鬓先改。

### 《罗浮山人与葛篇》

作者: 李贺 年代: 唐 依依宜织江雨空,雨中六月兰台风。 博罗老仙时出洞,千岁石床啼鬼工。 蛇毒浓凝洞堂湿,江鱼不食衔沙立。 欲剪湘中一尺天,吴娥莫道吴刀涩。

### 《罗浮山人与葛篇》

作者:李贺 年代:唐 依依宜织江雨空,雨中六月兰台风。 博罗老仙时出洞,千岁石床啼鬼工。 蛇毒浓凝洞堂湿,江鱼不食衔沙立。 欲剪湘中一尺天,吴娥莫道吴刀涩。

### 《猛虎行》

作者:李贺 年代:唐 长戈莫春,长弩莫抨。 乳孙哺子,教得生狞。 举头为城,掉尾为旌。 东海黄公,愁见夜行。 道逢驺虞,牛哀不平。 何用尺刀?壁上雷鸣。 泰山之下,妇人哭声。 官家有程,吏不敢听。

### 《北中寒》

作者: 李贺 年代: 唐 一方黑照三方紫,黄河冰合鱼龙死。 三尺木皮断文理,百石强车上河水。 霜花草上大如钱,挥刀不入迷蒙天。 争灣海水飞凌喧,山瀑无声玉虹悬。

### 《有所思》

作者:李贺 年代:唐 去年陌上歌离曲,今日君书远游蜀。 帘外花开二月风,台前泪滴千行竹。 琴心与妾肠,此夜断还续。 想君白马悬雕弓,世间何处无春风? 君心未肯镇如石,妾颜不久如花红。 夜残高碧横长河,河上无梁空白波。 西风未起悲龙梭,年年织素攒双蛾。 江山迢递无休绝,泪眼看灯乍明灭。 自从孤馆深锁窗,桂花几度圆还缺。 鸦鸦向晓鸣森木,风过池塘响丛玉。 白日萧条梦不成,桥南更问仙人卜。

# 《谢秀才有妾缟练,改从于人,秀才引留之不得,后生感忆......其二》

作者:李贺 年代:唐 铜镜立青鸾,燕脂拂紫绵。 腮花弄暗粉,眼尾泪侵寒。 碧玉破不复,瑶琴重拔弦。 今日非昔日,何人敢正看?

### 《汉唐姬饮酒歌》

仗剑明秋水,凶威屡胁逼:一作铁剑常光光,至凶威屡逼

# 《自昌谷到洛后门》

# 《美人梳头歌》

作者:李贺 年代:唐

西施晓梦绡帐寒,香鬟堕髻半沉檀。

辘轳咿哑转鸣玉,惊起芙蓉睡新足。

双鸾开镜秋水光,解鬟临镜立象床。

一编香丝云撒地,玉钗落处无声腻。

纤手却盘老鸦色,翠滑宝钗簪不得。 春风烂熳恼娇慵,十八鬟多无气力。

(髻下换委)鬌妆成欹不斜,云裾数步踏雁沙。

背人不语向何处?下阶自折樱桃花。

### 《昆仑使者》

作者:李贺 年代:唐

昆仑使者无消息,茂陵烟树生愁色。

金盘玉露自淋漓,元气茫茫收不得。

麒麟背上石文裂,虬龙鳞下红枝折。

何处偏伤万国心?中天夜久高明月。

# 《十月》

作者: 李贺 年代: 唐

玉壶银箭稍难倾,缸花夜笑凝幽明。

碎霜斜舞上罗幕,烛笼两行照飞阁。

珠帷怨卧不成眠,金凤刺衣著体寒,

长眉对月斗弯环。

《谢秀才有妾缟练,改从于人,秀才引留之不得,后生感忆......其四》

作者:李贺 年代:唐

寻常轻宋玉,今日稼文鸯。

戟干横龙簴,刀环倚桂窗。

邀人裁半袖,端坐据胡床。

泪湿红轮重,栖乌上井梁。

### 《黄家洞》

作者: 李贺 年代: 唐

雀步蹙沙声促促,四尺角弓青石镞。

黑幡三点铜鼓鸣,高作猿啼摇箭箙。

彩巾缠踍幅半斜,溪头簇队映葛花。

山潭晚雾吟白鼍,竹蛇飞蠹射金沙。

闲驱竹马缓归家,官军自杀容州槎。

#### 《黄家洞》

作者:李贺 年代:唐 雀步蹙沙声促促,四尺角弓青石镞。 黑幡三点铜鼓鸣,高作猿啼摇箭箙。 彩巾缠踍幅半斜,溪头簇队映葛花。 山潭晚雾吟白鼍,竹蛇飞蠹射金沙。 闲驱竹马缓归家,官军自杀容州槎。

### 《谢秀才有妾缟练,改从于人,秀才引留之不得,后生感忆.....其三》

作者: 李贺 年代: 唐 洞房思不禁,蜂子作花心。 灰暖残香炷,发冷青虫簪。 夜遥灯焰短,睡熟小屏深。 好作鸳鸯梦,南城罢捣砧。

#### 《上之回》

作者:李贺 年代:唐 上之回,大旗喜。 悬红云,挞凤尾。 剑匣破,舞蛟龙。 蚩尤死,鼓逢逢。 天高庆雷齐坠地。 地无惊烟海千里。

### 《白虎行》

作者:李贺 年代:唐 火乌日暗崩腾云,秦皇虎视苍生群。 烧书灭国无暇日,铸剑佩玦惟将军。 玉坛设醮思冲天,一世二世当万年。 烧丹未得不死药,拿舟海上寻神仙。 鲸鱼张鬣海烈烧空,无人为决天河相归。 雄最苦兮谁最苦?报人义士深相归。 雄最苦筑荆卿歌,荆卿把酒燕丹语。 剑如霜兮胆如铁,宽龙衣点荆卿。 天授秦封祚未终,衮龙衣点荆卿。 朱旗卓地白虎死,汉皇知是真天子。

#### 《感讽五首》

作者:李贺 年代:唐 合浦无明珠,龙洲无木奴。 足知造化力,不给使君须。 越妇未织作,吴蚕始蠕蠕。 县官骑马来,狞色虬紫须。 怀中一方板,板上数行书。 "不因使君怒,焉得诣尔庐?" 越妇拜县官:"桑牙今尚小。 会待春日晏,丝车方掷掉。" 越妇通言语,小姑具黄粱。 县官踏飧去,簿吏复登堂。

# 《感讽五首》

作者:李贺 年代:唐 合浦无明珠,龙洲无木奴。 足知造化力,不给使君须。 越妇未织作,吴蚕始蠕蠕。 县官骑马来,狞色虬紫须。 怀中一方板,板上数行书。 "不因使君怒,焉得诣尔庐?" 越妇拜县官:"桑牙今尚小。 会待春日晏,丝车方掷掉。" 越妇通言语,小姑具黄粱。 县官踏飧去,簿吏复登堂。

### 《相劝酒》

作者:李贺 年代:唐 羲和骋六辔,昼夕不曾闲。 弹乌崦嵫竹,扶马蟠桃鞭。 蓐收既断翠柳,青帝又造红兰。 尧舜至今万万岁,数子将为倾盖间。 青钱白璧买无端,丈夫快意方为欢。 臛蠵臑熊何足云? 会须钟饮北海,箕踞南山。 歌淫淫,管愔愔,横波好送雕题金。 人生得意且如此,何用强知元化心? 相劝酒,终无辍。 伏愿陛下鸿名终不歇,子孙绵如石上葛。 来长安,车骈骈。 中有梁冀旧宅,石崇故园。

### 《大堤曲》

作者:李贺 年代:唐 妾家住横塘,红沙满桂香。 青云教绾头上髻,明月与作耳边珰。 莲风起,江畔春; 大堤上,留北人。 郎食鲤鱼尾,妾食猩猩唇。 莫指襄阳道,绿浦归帆少。 今日菖蒲花,明朝枫树老。

### 《仁和里杂叙皇甫湜》

作者: 李贺 年代: 唐 大人乞马癯乃寒, 宗人贷宅荒厥垣。 横庭鼠径空土涩, 出篱大枣垂朱残。 安定美人截黄绶,脱落缨裾瞑朝酒。 还家白笔未上头,使我清声落人後。 枉辱称知犯君眼,排引才升强絙断。 洛风送马入长关,阖扇未开逢瘈犬。 那知竖都相草草,客枕幽单看春老。 归来骨薄面无膏,疫气冲头鬓茎少。 欲雕小说干天官,宗孙不调为谁怜。 明朝下元复西道,崆峒叙别长如天。

### 《仁和里杂叙皇甫湜》

作者:李贺 年代:唐 大人乞马癯乃寒,宗人贷宅荒厥垣。 横庭鼠径空土涩,出篱大枣垂朱残。 安定美人截黄绶,脱落缨裾瞑朝酒。 还家白笔未上头,使我清声落人後。 枉辱称知犯君眼,排引才升强絙斯。 洛风送马入长关,阖扇未开逢瘈犬。 那知竖都相草草,客枕幽单看春老。 归来骨薄面无膏,宗孙不调为谁怜。 欲雕小说干天官,宗孙不调为谁怜。

明朝下元复西道,崆峒叙别长如天。

### 《公无出门》

作者:李贺 年代:唐 天迷迷,地密密。 熊虺食人魂,雪霜断人骨。 嗾犬狺狺相索索,舐掌偏宜佩兰客。 帝遣乘轩灾自息,玉星点剑黄金轭。 我虽跨马不得还,历阳湖波大如山。 毒虯相视振金环,狻猊猰貐吐馋涎。 鲍焦一世披草眠,颜回廿九鬓毛斑。 颜回非血衰,鲍焦不违天; 天畏遭衔啮,所以致之然。 分明犹惧公不信,公看呵壁书问天。

#### 《长平箭头歌》

作者:李贺 年代:唐 漆灰骨末丹水沙,凄凄古血生铜花。 白翎金竿雨中尽,直余三脊残狼牙。 我寻平原乘两马,驿东石田蒿坞下。 风长日短星萧萧,黑旗云湿悬空夜。 左魂右魄啼肌瘦,酪瓶倒尽将羊炙。 虫栖雁病芦笋红,回风送客吹阴火。 访古汍澜收断镞,折锋赤璺曾刿肉。 南陌东城马上儿,劝我将金换簝竹。

#### 《黄头郎》

作者:李贺 年代:唐 黄头郎,捞拢去不归。 南浦芙蓉影,愁红独自垂。 水弄湘娥佩,竹啼山露月。 玉瑟调青门,石云湿黄葛。 沙上蘼芜花,秋风已先发。 好持扫罗荐,香出鸳鸯热。

### 《黄头郎》

作者:李贺 年代:唐 黄头郎,捞拢去不归。 南浦芙蓉影,愁红独自垂。 水弄湘娥佩,竹啼山露月。 玉瑟调青门,石云湿黄葛。 沙上蘼芜花,秋风已先发。 好持扫罗荐,香出鸳鸯热。

### 《春昼》

作者:李贺 年代:唐 朱城报春更漏转,光风催兰吹小殿。 草细堪梳,柳长如线。 卷衣秦帝,扫粉赵燕。 日含画幕,蜂上罗荐。 平阳花坞,河阳花县。 越妇搘机,吴蚕作茧。 菱汀系带,荷塘倚扇。 江南有情,塞北无限。

### 《上云乐》

作者: 李贺 年代: 唐 飞香走红满天春,花龙盘盘上紫云。 三千宫女列金屋,五十弦瑟海上闻。 天江碎碎银沙路,嬴女机中断烟素。 缝舞衣,八月一日君前舞。

### 《莫愁曲》

作者:李贺 年代:唐 草生龙陂下,鸦噪城堞头。 何人此城里?城角栽石榴。 青丝系五马,黄金络双牛。 白鱼驾莲船,夜作十里游。 归来无人识,暗上沉香楼。 罗床倚瑶瑟,残月倾帘钩。 今日槿花落,明朝桐树秋。 若负平生意,何名作莫愁?

### 《莫愁曲》

作者:李贺 年代:唐

草生龙坡下,鸦噪城堞头。何人此城里,城角栽石榴。 青丝系五马,黄金络双牛。白鱼驾莲船,夜作十里游。 归来无人识,暗上沈香楼。罗床倚瑶瑟,残月倾帘钩。 今日槿花落,明朝桐树秋。莫负平生意,何名何莫愁。

### 《李夫人歌》

作者: 李贺 年代: 唐 紫皇宫殿重重开, 夫人飞入琼瑶台。 绿香绣帐何时歇?青云无光宫水咽。 翩联桂花坠秋月,孤鸾惊啼商丝发。 红壁阑珊悬佩珰,歌台小妓遥相望。 玉蟾滴水鸡人唱,露华兰叶参差光。

#### 《感讽五首 其二》

作者:李贺 年代:唐 奇俊无少年,日车何躃躃。 我待纡双绶,遗我星星发。 都门贾生墓,青蝇久断绝。 寒食摇扬天,愤景长肃杀。 皇汉十二帝,唯帝称睿哲。 一夕信竖儿,文明永沦歇。

# 《潞州张大宅病酒,遇江使寄上十四兄》

### 《后园凿井歌》

作者:李贺 年代:唐 井上辘轳床上转: 水声繁,弦声浅。 情若何?荀奉倩。 城头日,长向城头住。 一日作千年,不须流下去。

#### 《平城下》

作者: 李贺 年代: 唐

饥寒平城下,夜夜守明月。 别剑无玉花,海风断鬓红。 毒帐吹短笛,烟雾湿虹龙。 青帐吹短笛,依稀望城龙。 日晚在城上,依稀望城下。 风吹枯蓬起,城中,几 借问筑城吏:去关门。 惟愁裹尸归,不惜倒戈死!

### 《听颖师琴歌》

作者:李贺 年代:唐 别浦云归桂花渚,蜀国弦中双凤语。 芙蓉叶落秋鸾离,越王夜起游天姥。 暗佩清臣敲水玉,渡海蛾眉牵白鹿。 谁看挟剑赴长桥,谁看浸发题春竹。 竺僧前立当吾门,梵宫真相眉棱尊。 古琴大轸长八尺,峄阳老树非桐孙。 凉馆闻弦惊病客,药囊暂别龙须席。 请歌直请卿相歌,奉礼官卑复何益。

### 《后园凿井歌》

作者:李贺 年代:唐 井上辘轳床上转。水声繁,弦声浅。情若何,荀奉倩。 城头日,长向城头住。一日作千年,不须流下去。

### 《出城别张又新,酬李汉》

作者:李贺 年代:唐

李子别上国,南山崆峒春。不闻今夕鼓,差慰煎情人。 赵壹赋命薄,马卿家业贫。乡书何所报,紫蕨生石云。 长安玉桂国,戟带披侯门。惨阴地自光,宝马踏晓昏。 腊春戏草苑,玉輓鸣辚。绿p 网缒金铃,霞卷清池漘。 开贯泻蚨母,买冰防夏蝇。时宜裂大袂,剑客车盘茵。 小人如死灰,心切生秋榛。皇图跨四海,百姓拖长痈。 光明霭不发,腰龟徒甃银。吾将噪礼乐,声调摩清新。 欲使十千岁,帝道如飞神。华实自苍老,流采长倾溢。 没没暗齰舌,涕血不敢论。今将下东道,祭酒而别秦。 六郡无剿儿,长刀谁拭尘。地理阳无正,快马逐服辕。 二子美年少,调道讲清浑。讥笑断冬夜,家庭疏筱穿。 曙风起四方,秋月当东悬。赋诗面投掷,悲哉不遇人。 此别定沾臆,越布先裁巾。

#### 《春坊正字剑子歌》

作者:李贺 年代:唐 先辈匣中三尺水,曾入吴潭斩龙子。 隙月斜明刮露寒,练带平铺吹不起。 蛟胎皮老蒺藜刺,鸊鹈淬花白鹇尾。 直是荆轲一片心,莫教照见春坊字。 挼丝团金悬簏敕,神光欲截蓝田玉。 提出西方白帝惊,嗷嗷鬼母秋郊哭。

### 《六月》

作者:李贺 年代:唐 裁生罗,伐湘竹, 帔拂疏霜簟秋玉。 炎炎红镜东方开, 晕如车轮上徘徊, 啾啾赤帝骑龙来。

#### 《湖中曲》

作者:李贺 年代:唐 长眉越沙采兰若,桂叶水荭春漠漠。 横船醉眠白昼闲,渡口梅风歌扇薄。 燕钗玉股照青渠,越王娇郎小字书。 蜀纸封巾报云鬓,晚漏壶中水淋尽。

### 《湖中曲》

作者: 李贺 年代: 唐 长眉越沙采兰若, 桂叶水荭春漠漠。 横船醉眠白昼闲, 渡口梅风歌扇薄。 燕钗玉股照青渠, 越王娇郎小字书。 蜀纸封巾报云鬓,晚漏壶中水淋尽。

#### 《河阳歌》

作者:李贺 年代:唐 染罗衣,秋蓝难着色。 不是无心人,为作台邛客。 花烧中潬城,颜郎身已老。 惜许两少年,抽心似春草。 今日见银牌,今夜鸣玉宴。 牛头高一尺,隔坐应相见。 月从东方转,酒从东方转。 觥船饫口红,蜜炬千枝烂。

#### 《龙夜吟》

作者:李贺 年代:唐 鬈发胡儿眼晴绿,高楼夜静吹横竹。 一声似向天上来,月下美人望乡哭。 直排七点星藏指,暗合清风调宫徵。 蜀道秋深云满林,湘江半夜龙惊起。 玉堂美人边塞情,碧窗皓月愁中听。 寒砧能捣百尺练,粉泪凝珠滴红线。 胡儿莫作陇头吟,隔窗暗结愁人心。

### 《送沈亚之歌并序》

作者:李贺 年代:唐 吴兴才人怨春风,桃花满陌千里红。 紫丝竹断骢马小,家住钱塘东复东。 白藤交穿织书笈,短策齐裁如梵夹。 雄光宝矿献春卿,烟底蓦波乘一叶。 春卿拾材白日下,掷置黄金解龙马。 携笈归江重入门,劳劳谁是怜君者。 吾闻壮夫重心骨,古人三走无摧捽。 请君待旦事长鞭,他日还辕及秋律。

### 《勉爱行二首送小季之庐山 其二》

作者:李贺 年代:唐 别柳当马头,官槐如兔目。 欲将千里别,持此易斗粟。 南云北云空脉断,灵台经络悬春线。 青轩树转月满床,下国饥儿梦中见。 维尔之昆二十余,年来持镜颇有须。 辞家三载今如此,索米王门一事无。 荒沟古水光如刀,庭南拱柳生蛴螬。 江干幼客真可念,郊原晚吹悲号号。

#### 《崇义里滞雨》

作者:李贺 年代:唐 落莫谁家子?来感长安秋。 壮年抱羁恨,梦泣生白头。 瘦马秣败草,雨沫飘寒沟。 南宫古帘暗,湿景传签筹。 家山远千里,云脚天东头。 忧眠枕剑匣,客帐梦封侯。

#### 《夜坐吟》

作者:李贺 年代:唐 踏踏马蹄谁见过?眼看北斗直天河。 西风罗幕生翠波,铅华笑妾颦青蛾。 为君起唱长相思,帘外严霜皆倒飞。 明星烂烂东方陲,红霞梢出东南涯, 陆郎去矣乘班骓。

### 《夜来乐》

作者:李贺 年代:唐 红罗复帐金流苏,华灯九枝悬鲤鱼。 丽人映月开铜铺,春水滴酒猩猩沽。 价重一箧香十株,赤金瓜子兼杂麸。 五色丝封青玉凫,阿侯此笑千万余。 南轩汉转帘影疏,桐林哑哑挟子乌。 剑崖鞭节青石珠,白騧吹湍凝霜须。 漏长送佩承明庐,倡楼嵯峨明月孤。 续客下马故客去,绿蝉秀黛重拂梳。

### 《静女春曙曲》

作者: 李贺 年代: 唐

嫩蝶怜芳抱新蕊, 泣露枝枝滴夭泪。 粉窗香咽颓晓云,锦堆花密藏春睡。 恋屏孔雀摇金尾,莺舌分明呼婢子。 冰洞寒龙半匣水,一双商鸾逐烟起。

### 《静女春曙曲》

作者: 李贺 年代: 唐

嫩叶怜芳抱新蕊, 泣露枝枝滴夭泪。粉窗香咽颓晓云, 锦堆花密藏春睡。恋屏孔雀摇金尾, 莺舌分明呼婢子。 冰洞寒龙半匣水, 一只商鸾逐烟起。

### 《酒罢,张大彻索赠诗。时张初效潞幕》

作者:李贺 年代:唐

长鬣张郎三十八,天遣裁诗花作骨。 往还谁是龙头人?公主遣秉鱼须笏。 水行青草上白衫,匣中章奏密如蚕。 金门石阁知卿有,豸角鸡香早晚含。 陇西长吉摧颓客,酒阑感觉中区窄。 葛衣断碎赵城秋,吟诗一夜东方白。

#### 《宫娃歌》

作者:李贺 年代:唐 蜡光高悬照纱空,花房夜捣红守宫。 象口吹香毾(登毛)暖,七星挂城闻漏板。 寒入罘罳殿影昏,彩鸾帘额著霜痕。 啼蛄吊月钩栏下,屈膝铜铺锁阿甄。 梦入家门上沙渚,天河落处长洲路。 愿君光明如太阳,放妾骑鱼撇波去。

#### 《堂堂》

作者: 李贺 年代: 唐 堂堂复堂堂,红脱梅灰香。 十年粉蠹生画梁,饥虫不食摧碎黄。 蕙花已老桃叶长,禁院悬帘隔御光。 华清源中矾石汤,徘徊白凤随君王。

### 《酒罢,张大彻索赠诗。时张初效潞幕》

作者:李贺 年代:唐 长鬣张郎三十八,天遣裁诗花作骨。 往还谁是龙头人?公主遣秉鱼须笏。 水行青草上白衫,匣中章奏密如蚕。 金门石阁知卿有,豸角鸡香早晚含。 陇西长吉摧颓客,酒阑感觉中区窄。 葛衣断碎赵城秋,吟诗一夜东方白。

### 《堂堂》

作者: 李贺 年代: 唐 堂堂复堂堂, 红脱梅灰香。 十年粉蠹生画梁, 饥虫不食摧碎黄。 蕙花已老桃叶长, 禁院悬帘隔御光。 华清源中矾石汤, 徘徊白凤随君王。

### 《出城》

作者: 李贺 年代: 唐 雪下桂花稀, 啼乌被弹归。 关水乘驴影,秦风帽带垂。 入乡诚万里,无印自堪悲。 卿卿忍相问,镜中双泪姿。

#### 《牡丹种曲》

作者:李贺 年代:唐 莲枝未长秦蘅老,走马驮金斸春草。 水灌香泥却月盘,一夜绿房迎白晓。 美人醉语园中烟,晚华已散蝶又阑。 梁王老去罗衣在,拂袖风吹蜀国弦。 归霞帔拖蜀帐昏,嫣红落粉罢承恩。 檀郎谢女眠何处?楼台月明燕夜语。

#### 《古邺城童子谣效王粲刺曹操》

作者:李贺 年代:唐 邺城中,暮尘起。 探黑丸,斫文吏。 棘为鞭,虎为马。 团团走,邺城下。 切玉剑,射日弓。 献何人?奉相公。 扶毂来,关右儿。 香扫涂,相公归。

# 《江南弄》

作者:李贺 年代:唐 江中绿雾起凉波,天上叠巘红嵯峨。 水风浦云生老竹,渚暝蒲帆如一幅。 鲈鱼千头酒百斛,酒中倒卧南山绿。 吴歈越吟未终曲,江上团团贴寒玉。

#### 《江楼曲》

作者:李贺 年代:唐 楼前流水江陵道,鲤鱼风起芙蓉老。 晓钗催鬓语南风,抽帆归来一日功。 鼍吟浦口飞梅雨,竿头酒旗换青苎。 萧骚浪白云差池,黄粉油衫寄郎主。 新槽酒声苦无力,南湖一顷菱花白。 眼前便有千里愁,小玉开屏见山色。

#### 《谣俗》

作者:李贺 年代:唐 上林蝴蝶小,试伴汉家君。 飞向南城去,误落石榴裙。 脉脉花满树,翾翾燕绕云。 出门不识路,羞问陌头人。

### 《谣俗》

作者: 李贺 年代: 唐 上林胡蝶小,试伴汉家君。飞向南城去,误落石榴裙。 脉脉花满树,翾翾燕绕云。出门不识路,羞问陌头人。

### 《残丝曲》

作者:李贺 年代:唐 垂杨叶老莺哺儿,残丝欲断黄蜂归。 绿鬓年少金钗客,缥粉壶中沈琥珀。 花台欲暮春辞去,落花起作回风舞。 榆荚相催不知数,沈郎青钱夹城路。

#### 《帝子歌》

作者:李贺 年代:唐 洞庭帝子一千里,凉风雁啼天在水。 九节菖蒲石上死,湘神弹琴迎帝子。 山头老桂吹古香,雌龙怨吟寒水光。 沙浦走鱼白石郎,闲取真珠掷龙堂。

### 《伤心行》

作者:李贺 年代:唐 咽咽学楚吟,病骨伤幽素。 秋姿白发生,木叶啼风雨。 灯青兰膏歇,落照飞蛾舞。 古壁生凝尘,羁魂梦中语。

# 《感讽五首 其四》

作者:李贺 年代:唐 星尽四方高,万物知天曙。 己生须己养,荷担出门去。 君平久不返,康伯遁国路。 晓思何譊譊,阛阓千人语。

#### 《伤心行》

作者: 李贺 年代: 唐 咽咽学楚吟,病骨伤幽素。 秋姿白发生,木叶啼风雨。 灯青兰膏歇,落照飞蛾舞。 古壁生凝尘,羁魂梦中语。

### 《神弦》

作者:李贺 年代:唐 女巫浇酒云满空,玉炉炭火香咚咚。 海神山鬼来座中,纸钱窸窣鸣旋风。 相思木贴金舞鸾,攒蛾一啑重一弹。 呼星召鬼歆杯盘,山魅食时人森寒。 终南日色低平湾,神兮长在有无间。 神嗔神喜师更颜,送神万骑还青山。

### 《帝子歌》

作者: 李贺 年代: 唐 洞庭明月一千里,凉风雁啼天在水。九节菖蒲石上死,湘神弹琴迎帝子。山头老桂吹古香,雌龙怨吟寒水光。 沙浦走鱼白石郎,闲取真珠掷龙堂。

#### 《洛妹真珠》

作者:李贺 年代:唐 真珠小娘下青廓,洛苑香风飞绰绰。 寒鬓斜钗玉燕光,高楼唱月敲悬珰。 兰风桂露洒幽翠,红弦袅云咽深思。 花袍白马不归来,浓蛾叠柳香唇醉。 金鹅屏风蜀山梦,鸾裾凤带行烟重。 八骢笼晃脸差移,日丝繁散曛罗洞。 市南曲陌无秋凉,楚腰卫鬓四时芳。 玉喉窕窕排空光,牵云曳雪留陆郎。

### 《古悠悠行》

作者:李贺 年代:唐 白景归西山,碧华上迢迢。 今古何处尽?千岁随风飘。 海沙变成石,鱼沫吹秦桥。 空光远流浪,铜柱从年消。

### 《古悠悠行》

作者:李贺 年代:唐 白景归西山,碧华上迢迢。 今古何处尽?千岁随风飘。 海沙变成石,鱼沫吹秦桥。 空光远流浪,铜柱从年消。

### 《王浚墓下作》

作者: 李贺 年代: 唐 人间无阿童, 犹唱水中龙。 白草侵烟死, 秋藜绕地红。 古书平黑石, 神剑断青铜。 耕势鱼鳞起, 坟科马鬣封。 菊花垂湿露, 棘径卧干蓬。 松柏愁香涩, 南原几夜风!

### 《石城晓》

作者:李贺 年代:唐 月落大堤上,女垣栖乌起。 细露湿团红,寒香解夜醉。 女牛渡天河,柳烟满城曲。 上客留断缨,残蛾斗双绿。 春帐依微蝉翼罗,横茵突金隐体花。 帐前轻絮鹅毛起,欲说春心无所似。

# 《铜驼悲》

作者:李贺 年代:唐 落魄三月罢,寻花去东家。 谁作送春曲?洛岸悲铜驼。 桥南多马客,北山饶古人。 客饮杯中酒,驼悲千万春。 生世莫徒劳,风吹盘上烛。 厌见桃株笑,铜驼夜来哭。

#### 《过华清宫》

作者:李贺 年代:唐 春月夜啼鸦,宫帘隔御花。 云生朱络暗,石断紫钱斜。 玉碗盛残露,银灯点旧纱。 蜀王无近信,泉上有芹芽。

### 《蜀国弦》

作者:李贺 年代:唐 枫香晚花静,锦水南山影。 惊石坠猿哀,竹云愁半岭。 凉月生秋浦,玉沙粼粼光。 谁家红泪客,不忍过瞿塘。

### 《屏风曲》

作者:李贺 年代:唐 蝶栖石竹银交关,水凝绿鸭琉璃钱。 团回六曲抱膏兰,将鬟镜上掷金蝉。 沈香火暖茱萸烟,酒觥绾带新承欢。 月风吹露屏外寒,城上乌啼楚女眠。

#### 《屏风曲》

作者: 李贺 年代: 唐 蝶栖石竹银交关,水凝绿鸭琉璃钱。 团回六曲抱膏兰,将鬟镜上掷金蝉。 沈香火暖茱萸烟,酒觥绾带新承欢。 月风吹露屏外寒,城上乌啼楚女眠。

### 《其三》

作者:李贺 年代:唐 南山何其悲,鬼雨洒空草。 长安夜半秋,风前几人老。 低迷黄昏径,袅袅青栎道。 月午树无影,一山唯白晓。 漆炬迎新人,幽圹萤扰扰。

### 《奉和二兄罢使遣马归延州》

作者: 李贺 年代: 唐

空留三尺剑,不用一丸泥。 马向沙场去,人归故国来。 笛愁翻陇水,酒喜沥春灰。 锦带休惊雁,罗衣尚斗鸡。 还吴已渺渺,入郢莫凄凄。 自是桃李树,何患不成蹊?

### 《感春》

作者:李贺 年代:唐 日暖自萧条,花悲北郭骚。 榆穿莱子眼,柳断舞儿腰。 上幕迎神燕,飞丝送百劳。 胡琴今日恨,急语向檀槽。

# 《秦宫诗》

作者:李贺 年代:唐 越罗衫袂迎春风,玉刻麒麟腰带红。 楼头曲宴仙人语,帐底吹笙香雾浓。 人间酒暖春茫茫,花枝入帘白日长。 飞窗复道传筹饮,十夜铜盘腻烛黄。 秃衿小袖调鹦鹉,紫绣麻霞踏哮虎。 斫桂烧金待晓筵,白鹿青苏夜半煮。 桐英永巷骑新马,内屋深屏生色画。 开门烂用水衡钱,秦宫一生花底活。 鸾箆夺得不还人,醉睡氍毹满堂月。

# 《始为奉礼忆昌谷山居》

作者:李贺 年代:唐 扫断马蹄痕,衙回自闭门。 长枪江米熟,小树枣花春。 向壁悬如意,当帘阅角巾。 犬书曾去洛,鹤病悔游秦。 土甑封茶叶,山杯锁竹根。 不知船上月,谁棹满溪云?

#### 《贾公闾贵婿曲》

作者:李贺 年代:唐 朝衣不须长,分花对袍缝。 嚶嚶白马来,满脑黄金重。 今朝香气苦,珊瑚涩难枕。 且要弄风人,暖蒲沙上饮。 燕语踏帘钩,日虹屏中碧。 潘令在河阳,无人死芳色。

### 《客游》

作者: 李贺 年代: 唐 悲满千里心, 日暖南山石。 不谒承明庐, 老作平原客。 四时别家庙,三年去乡国。 旅歌屡弹铗,归问时裂帛。

# 《赠陈商》

作者:李贺 年代:唐 长安有男儿,二十心已朽。 楞伽堆案前,楚辞系肘后。 人生有穷拙,日暮聊饮酒。 只今道已塞,何必须白首? 凄凄陈述圣,披褐鉏俎豆。 学为尧舜文,时人责衰偶。 柴门车辙冻, 日下榆影瘦。 黄昏访我来,苦节青阳皱。 太华五千仞,劈地抽森秀。 旁古无寸寻,一上戛牛斗。 公卿纵不怜,宁能锁吾口? 李生师太华,大坐看白昼。 逢霜作朴(嫩左换木),得气为春柳。 礼节乃相去,憔悴如刍狗。 风雪直斋坛,墨组贯铜绶。 臣妾气态间,唯欲承箕帚。 天眼何时开?古剑庸一吼。

### 《摩多楼子》

作者:李贺 年代:唐 玉塞去金人,二万四千里。 风吹沙作云,一时渡辽水。 天白水如练,甲丝双串断。 行行莫苦辛,城月犹残半。 晓气朔烟上,趢趗胡马蹄。 行人临水别,陇水长东西。

### 《神弦曲》

作者:李贺 年代:唐 西山日没东山昏,旋风吹马马踏云。 画弦素管声浅繁,花裙繂(纟蔡)步秋尘。 桂叶刷风桂坠子,青狸哭血寒狐死。 古壁彩虯金贴尾,雨工骑入秋潭水。 百年老鸮成木魅,笑声碧火巢中起。

#### 《沙路曲》

作者:李贺 年代:唐 柳脸半眠丞相树,佩马钉铃踏沙路。 断烬遗香袅翠烟,烛骑蹄鸣上天去。 帝家玉龙开九关,帝前动笏移南山。 独垂重印押千官,金窠篆字红屈盘。 沙路归来闻好语,旱火不光天下雨。

# 《月漉漉篇》

作者:李贺 年代:唐 月漉漉,波烟玉。 莎青桂花繁,芙蓉别江木。 粉态夹罗寒,雁羽铺烟湿。 谁能看石帆?乘船镜中入。 秋白鲜红死,水香莲子齐。 挽菱隔歌袖,绿刺罥银泥。

#### 《高平县东私路》

作者: 李贺 年代: 唐 侵侵槲叶相, 木花滞寒雨。 今夕山上秋, 永谢无人处。 石溪远荒涩, 棠实悬辛苦。 古者定幽寻, 呼君作私路。

# 《高平县东私路》

作者: 李贺 年代: 唐

侵侵槲叶香,木花滞寒雨。今夕山上秋,永谢无人处。 石谿远荒涩,棠实悬辛苦。古者定幽寻,呼君作私路。

### 《九月》

作者: 李贺 年代: 唐 离宫散萤天似水, 竹黄池冷芙蓉死。 月缀金铺光脉脉, 凉苑虚庭空澹白。 露花飞飞风草草, 翠锦斓斑满层道。 鸡人罢唱晓珑璁, 鸦啼金井下疏桐。

#### 《走马引》

作者:李贺 年代:唐 我有辞乡剑,玉峰堪截云。 襄阳走马客,意气自生春。 朝嫌剑花净,暮嫌剑光冷。 能持剑向人,不解持照身。

#### 《追和何谢铜雀妓》

作者:李贺 年代:唐 佳人一壶酒,秋容满千里。 石马卧新烟,忧来何所似? 歌声且潜弄,陵树风自起。 长裾压高台,泪眼看花机。

# 《代崔家送客》

作者:李贺 年代:唐 行盖柳烟下,马蹄白翩翩。 恐随行处尽,何忍重扬鞭。

### 《答赠》

作者:李贺 年代:唐 本是张公子,曾名萼绿华。 沉香熏小像,杨柳伴啼鸦。 露重金泥冷,杯阑玉树斜。 琴堂沽酒客,新买后园花。

### 《春怀引》

作者:李贺 年代:唐 芳蹊密影成花洞,柳结浓烟花带重。 蟾蜍碾玉挂明弓,捍拔装金打仙凤。 宝枕垂云选春梦,钿合碧寒龙脑冻。 阿侯系锦觅周郎,凭仗东风好相送。

### 《乐府杂曲·鼓吹曲辞·艾如张》

作者:李贺 年代:唐 锦襜褕,绣裆襦,强强饮啄哺尔雏。 陇东卧穗满风雨,莫信龙媒陇西去。 齐人织网如素空,张在野春平碧中。 网丝漠漠无形影,误尔触之伤首红。 艾叶绿花谁翦刻,中藏祸机不可测。

#### 《舞曲歌辞·公莫舞歌》

作者:李贺年代:唐 方花古础排九楹,刺豹淋血盛银罂。 华筵鼓吹无桐竹,长刀直立割鸣筝。 横楣粗锦生红纬,日炙锦嫣王未醉。 腰下三看宝玦光,项庄掉箭拦前起。 材官小臣公莫舞,座上真人赤龙子。 芒砀云瑞抱天回,咸阳王气清如水。 铁枢铁楗重束关,大旗五丈撞双环。 汉王今日须秦印,绝膑刳肠臣不论。

#### 《代崔家送客》

作者: 李贺 年代: 唐 行尽柳烟下, 马蹄白翩翩。恐随行处尽, 何忍重扬鞭。

# 《贵主征行乐》

作者: 李贺 年代: 唐 奚骑黄铜连锁甲, 罗旗香干金画叶。 中军留醉河阳城,娇嘶紫燕踏花行。 春营骑将如红玉,走马捎鞭上空绿。 女垣素月角咿咿,牙帐未开分锦衣。

### 《感讽五首 其三》

作者: 李贺 年代: 唐 南山何其悲,鬼雨洒空草。 长安夜半秋,风前几人老。 低迷黄昏径,袅袅青栎道。 月午树无影,一山唯白晓。 漆炬迎新人,幽圹萤扰扰。

### 《贵主征行乐》

作者:李贺 年代:唐 奚骑黄铜连锁甲,罗旗香干金画叶。 中军留醉河阳城,娇嘶紫燕踏花行。 春营骑将如红玉,走马捎鞭上空绿。 女垣素月角咿咿,牙帐未开分锦衣。

# 《画角东城》

作者: 李贺 年代: 唐 河转曙萧萧, 鸦飞睥睨高。 帆长摽越甸, 壁冷挂吴刀。 淡菜生寒日, 鲕鱼潠白涛。 水花沾抹额, 旗鼓夜迎潮。

### 《难忘曲》

作者: 李贺 年代: 唐 夹道开洞门, 弱杨低画戟。 帘影竹华起, 箫声吹日色。 蜂语绕妆镜, 画蛾学春碧。 乱系丁香梢, 满栏花向夕。

### 《洛姝真珠》

作者: 李贺 年代: 唐

真珠小娘下清廓,洛苑香风飞绰绰。寒鬓斜钗玉燕光,高楼唱月敲悬珰。兰风桂露洒幽翠,红弦袅云咽深思。花袍白马不归来,浓蛾叠柳香唇醉。金鹅屏风蜀山梦,鸾裾凤带行烟重。八骢笼晃脸差移,日丝繁散曛罗洞。市南曲陌无秋凉,楚腰卫鬓四时芳。玉喉窱窱排空光,牵云曳雪留陆郎。

### 《秋凉诗,寄正字十二兄》

作者: 李贺 年代: 唐

闭门感秋风,幽姿任契阔。大野生素空,天地旷肃杀。 露光泣残蕙,虫响连夜发。房寒寸辉薄,迎风绛纱折。 披书古芸馥,恨唱华容歇。百日不相知,花光变凉节。 弟兄谁念虑,笺翰既通达。青袍度白马,草简奏东阙。 梦中相聚笑,觉见半床月。长思剧寻环,乱忧抵覃葛。

### 《题赵生壁》

作者: 李贺 年代: 唐 大妇然竹根, 中妇舂玉屑。 冬暖拾松枝, 日烟生蒙灭。 木藓青桐老,石井水声发。 曝背卧东亭,桃花满肌骨。

#### 《仙人》

作者:李贺 年代:唐 弹琴石壁上,翻翻一仙人。 手持白鸾尾,夜扫南山云。 鹿饮寒涧下,鱼归清海滨。 当时汉武帝,书报桃花春。

#### 《七月一日晓入太行山》

作者:李贺 年代:唐 一夕绕山秋,香露溘蒙绿。 新桥倚云阪,候虫嘶露朴。 洛南今已远,越衾谁为熟? 石气何凄凄,老莎如短镞。

### 《绿水词》

作者:李贺 年代:唐 今宵好风月,阿侯在何处? 为有倾人色,翻成足愁苦。 东湖采莲叶,南湖拔蒲根。 未持寄小姑,且持感愁魂。

### 《新夏歌》

作者:李贺 年代:唐 晓木千笼真蜡彩,落蕊枯香数分在。 阴枝拳芽卷缥茸,长风回气扶葱茏。 野家麦畦上新垄,长畛徘徊桑柘重。 刺香满地菖蒲草,雨梁燕语悲身老。 三月摇扬入河道,天浓地浓柳梳扫。

#### 《神仙曲》

作者: 李贺 年代: 唐 碧峰海面藏灵书, 上帝拣作神仙居。 清明笑语闻空虚, 斗乘巨浪骑鲸鱼。 春罗书字邀王母, 共宴红楼最深处。 鹤羽冲风过海迟, 不如却使青龙去。 犹疑王母不相许, 垂雾妖鬟更传语。

### 《相和歌辞·莫愁曲》

作者:李贺 年代:唐

草生陇坂下,鸦噪城堞头。何人此城里,城角栽石榴。 青丝系五马,黄金络双牛。白鱼驾莲船,夜作十里游。 归来无人识,暗上沉香楼。罗床倚瑶瑟,残月倾帘钩。 今日槿花落,明朝梧树秋。若负平生意,何名作莫愁。

# 《同沈驸马赋得御沟水》

作者: 李贺 年代: 唐 入苑白泱泱,宫人正靥黄。 绕堤龙骨冷,拂岸鸭头香。 别馆惊残梦,停杯泛小觞。 幸因流浪处,暂得见何郎。

# 《绿章封事》为吴道士夜醮作》

作者: 李贺 年代: 唐 青霓扣额呼宫神,鸿龙玉狗开天门。 石榴花发满溪津,溪女洗花染白云。 绿章封事咨元父,六街马蹄浩无主。 虚空风气不清冷,短衣小冠作尘土。 金家香弄千轮鸣,扬雄秋室无俗声。 愿携汉戟招书鬼,休令恨骨填蒿里。

### 《五月》

作者:李贺 年代:唐 雕玉押帘额,轻縠笼虚门。 井汲铅华水,扇织鸳鸯纹。 回雪舞凉殿,甘露洗空绿。 罗袖从徊翔,香汗沾宝粟。

#### 《勉爱行二首送小季之庐山》

作者:李贺 年代:唐 洛郊无俎豆,弊厩惭老马。 小雁过炉峰,影落楚水下。 长船倚云泊,石镜秋凉夜。 岂解有乡情?弄月聊鸣哑。

#### 《将发》

作者: 李贺 年代: 唐 东床卷席罢, 护落将行去。 秋白遥遥空, 日满门前路。

#### 《夜饮朝眠曲》

作者: 李贺 年代: 唐 觞酣出座东方高,腰横半解星劳劳。 柳苑鸦啼公主醉,薄露压花蕙兰气。 玉转湿丝牵晓水,热粉生香琅玕紫。 夜饮朝眠断无事,楚罗之帏卧皇子。

### 《神弦别曲》

作者:李贺 年代:唐 巫山小女隔云别,春风松花山上发。 绿盖独穿香径归,白马花竿前子子。 蜀江风澹水如罗,堕兰谁泛相经过。 南山桂树为君死,云衫浅污红脂花。

#### 《溪晚凉》

作者:李贺 年代:唐 白狐向月号山风,秋寒扫云留碧空。 玉烟青湿白如幢,银湾晓转流天东。 溪汀眠鹭梦征鸿,轻涟不语细游溶。 层岫回岑复叠龙,苦篁对客吟歌筒。

#### 《染丝上春机》

作者:李贺 年代:唐 玉罂汲水桐花井,茜丝沈水如云影。 美人懒态燕脂愁,春梭抛掷鸣高楼。 彩线结茸背复叠,白袷玉郎寄桃叶。 为君挑鸾作腰绶,愿君处处宜春酒。

#### 《相和歌辞·江南曲》

作者: 李贺 年代: 唐 汀洲白蘋草,柳恽乘马归。江头楂树香,岸上蝴蝶飞。 酒杯若叶露,玉轸蜀桐虚。朱楼通水陌,沙暖一双鱼。

## 《杂曲歌辞·十二月乐辞·二月》

作者: 李贺 年代: 唐 二月饮酒采桑津,宜男草生兰笑人。蒲如交剑风如熏, 劳劳胡燕怨酣春。薇帐逗烟生绿尘,金翅峨髻愁暮云, 沓飒起舞真珠裙。津头送别唱流水,酒客背寒南山死。

#### 《申胡子觱篥歌》

作者:李贺 年代:唐 颜热感君酒,含嚼芦中声。花娘篸绥妥,休睡芙蓉屏。 谁截太平管,列点排空星。直贯开花风,天上驱云行。 今夕岁华落,令人惜平生。心事如波涛,中坐时时惊。 朔客骑白马,剑弝悬兰缨。俊健如生猱,肯拾蓬中萤。

#### 《染丝上春机》

作者: 李贺 年代: 唐 玉罂泣水桐花井, 蒨丝沉水如云影。美人懒态燕脂愁, 春梭抛掷鸣高楼。彩线结茸背复叠,白袷玉郎寄桃叶, 为君挑鸾作腰绶,愿君处处宜春酒。

### 《许公子郑姬歌》

作者: 李贺 年代: 唐

许史世家外亲贵,宫锦千端买沉醉。铜驼酒熟烘明胶,古堤大柳烟中翠。桂开客花名郑袖,入洛闻香鼎门口。先将芍药献妆台,后解黄金大如斗。莫愁帘中许合欢,清弦五十为君弹。弹声咽春弄君骨,骨兴牵人马上鞍。两马八蹄踏兰苑,情如合竹谁能见。夜光玉枕栖凤凰,袷罗当门刺纯线。长翻蜀纸卷明君,转角含商破碧云。自从小靥来东道,曲里长眉少见人。相如冢上生秋柏,三秦谁是言情客。蛾鬟醉眼拜诸宗,为谒皇孙请曹植。

## 《贵公子夜阑曲》

作者: 李贺 年代: 唐 袅袅沈水烟, 乌啼夜阑景。 曲沼芙蓉波, 腰围白玉冷。

### 《四月》

作者:李贺 年代:唐 晓凉暮凉树如盖,千山浓绿生云外。 依微香雨青氛氲,腻叶蟠花照曲门。 金塘闲水摇碧漪,老景沉重无惊飞, 堕红残萼暗参差。

#### 《勉爱行二首送小季之庐山 之一》

作者: 李贺 年代: 唐 洛郊无俎豆, 弊厩惭老马。 小雁过炉峰, 影落楚水下。 长船倚云泊,石镜秋凉夜。 岂解有乡情? 弄月聊鸣哑。

#### 《梁公子》

作者: 李贺 年代: 唐 风采出萧家, 本是菖蒲花。 南塘莲子熟, 洗马走江沙。 御笺银沫冷, 长簟凤窠斜。 种柳营中暗, 题书赐馆娃。

## 《拂舞歌辞》

作者: 李贺 年代: 唐 吴娥声绝天, 空云闲徘徊。 门外满车马, 亦须生绿苔。 樽有乌程酒, 劝君千万寿。 全胜汉武锦楼上,晓望晴寒饮花露。 东方日不破, 天光无老时。 丹成作蛇乘白雾,千年重化玉井土。 从蛇作土二千载,吴堤绿草年年在。 背有八卦称神仙,邪鳞顽甲滑腥涎。

### 《瑶华乐》

作者: 李贺 年代: 唐 穆天子,走龙媒。 八辔冬珑逐天回, 五精扫地凝云开。 高门左右日月环, 四方错镂棱层殷。 舞霞垂尾长盘跚, 江澄海净神母颜。 施红点翠照虞泉, 曳云拖玉下昆山。 列旆如松,张盖如轮。 今风殿秋,清明发春。 八銮十乘, 矗如云屯。 琼钟瑶席甘露文, 玄霜绛雪何足云? 薰梅染柳将赠君, 铅华之水洗君骨, 与君相对作真质。

### 《塘上行》

作者:李贺 年代:唐 藕花凉露湿,花缺藕根涩。 飞下雌鸳鸯,塘水声溘溘。

#### 《嘲雪》

作者:李贺 年代:唐 昨日发葱岭,今朝下兰渚。 喜从千里来,乱笑含春语。 龙沙湿汉旗,凤扇迎秦素。 久别辽城鹤,毛衣已应故。

#### 《贵公子夜阑曲》

作者:李贺 年代:唐 袅袅沉水烟,乌啼夜阑景。 曲沼芙蓉波,腰围白玉冷。

#### 《梁公子》

作者: 李贺 年代: 唐 风彩出萧家, 本是菖蒲花。南塘莲子熟, 洗马走江沙。 御笺银沫冷, 长簟凤窠斜。种柳营中暗, 题书赐馆娃。

#### 《八月》

作者:李贺 年代:唐 孀妾怨长夜,独客梦归家: 傍檐虫缉丝,向壁灯垂花; 帘外月光吐,帘内树影斜; 悠悠飞露姿,点缀池中荷。

## 《十一月》

作者:李贺 年代:唐 宫城团回凛严光,白天碎碎堕琼芳。 挝钟高饮千日酒,却天凝寒作君寿。 御沟泉合如环素,火井温泉在何处。

## 《巴童答》

作者:李贺 年代:唐 巨鼻宜山褐,庞眉入苦吟。 非君唱乐府,谁识怨秋深?

## 《钓鱼诗》

作者:李贺 年代:唐 秋水钓红渠,仙人待素书。 菱丝萦独茧,菰米蛰双鱼。 斜竹垂清沼,长纶贯碧虚。 饵悬春蜥蜴,钩坠小蟾蜍。 詹子情无限,龙阳恨有余。 为看烟浦上,楚女泪沾裾。

#### 《房中思》

作者:李贺 年代:唐 新桂如蛾眉,秋风吹小绿。 行轮出门去,玉銮声断续。 月轩下风露,晓庭自幽涩。 谁能事贞素?卧听莎鸡泣。

#### 《春归昌谷》

作者:李贺 年代:唐 束发方读书,谋身苦不早。 终军未乘传,颜子鬓先老。 天网信崇大,颢士常督。 逸目骈甘华,羁心如颠至。 皇云二三月,等岫相颠组。 非揭赪玉盘,东方发红则。 春热张鹤盖,尝胆肠似绞。 京国心烂漫,夜梦归家少。

发轫东门外,天地皆浩浩。 青树骊山头,花风满秦道。 宫台光错落,装画偏峰峤。 细绿及团红, 当路杂啼笑。 香风下高广,鞍马正华耀。 独乘鸡栖车,自觉少风调。 心曲语形影,只身焉足乐。 岂能脱负担,刻鹄曾无兆。 幽幽太华侧,老柏如建纛。 龙皮相排戛,翠羽更荡掉。 驱趋委憔悴,眺览强笑貌。 花蔓阂行辀, 縠烟暝深徼。 少健无所就,入门愧家老。 听讲依大树,观书临曲沼。 知非出柙虎,甘作藏雾豹。 韩鸟处缯缴,湘鲦在笼罩。 狭行无廓落,壮士徒轻躁。

### 《贝宫夫人》

作者: 李贺 年代: 唐 丁丁海女弄金环, 雀钗翘揭双翅关。 六宫不语一生闲, 高悬银膀照青山。 长眉凝绿几千年, 清凉堪老镜中鸾。 秋肌稍觉玉衣寒, 空光贴妥水如天。

### 《吕将军歌》

作者:李贺 年代:唐 吕将军,骑赤兔。 独携大胆出秦门,金粟堆边哭陵树。 北方逆气污青天,剑龙夜叫将军闲。 将军振袖拂剑锷,玉阙朱城有门阁。 磕磕银龟摇白马,傅粉女郎火旗下。 恒山铁骑请金枪,遥闻箙中花箭香。 西郊寒蓬叶如刺,皇天新栽养神骥。 厩中高桁排蹇蹄,饱食青刍饮白水。 圆苍低迷盖张地,九州人事皆如此。 赤山秀铤御时英,绿眼将军会天意。

#### 《休洗红》

作者: 李贺 年代: 唐 休洗红,洗多红色浅。 卿卿骋少年,昨日殷桥见。 封侯早归来,莫作弦上箭。

## 《杂曲歌辞·十二月乐辞·五月》

作者:李贺 年代:唐 雕玉押帘上,轻毂笼虚门。井汲铅华水,扇织鸳鸯文。 回雪舞凉殿,甘露洗空绿。罗袖从徊翔,香汗沾宝粟。

#### 《唐儿歌 杜豳公之子 》

作者: 李贺 年代: 唐 头玉硗硗眉刷翠,杜郎生得真男子。 骨重神寒天庙器,一双瞳人剪秋水。 竹马梢梢摇绿尾,银鸾睒光踏半臂。 东家娇娘求对值,浓笑书空作唐字。 眼大心雄知所以,莫忘作歌人姓李。

### 《二月》

作者:李贺 年代:唐 二月饮酒采桑津,宜男草生兰笑人, 蒲如交剑风如薰。劳劳胡燕怨酣春, 薇帐逗烟生绿尘。金翘峨髻愁暮云, 沓飒起舞真珠裙。津头送别唱流水, 酒客背寒南山死。

#### 《三月》

作者: 李贺 年代: 唐 东方风来满眼春,花城柳暗愁杀人。 复宫深殿竹风起,新翠舞衿净如水。 光风转蕙百余里,暖雾驱云扑天地。 军装宫妓扫蛾浅,摇摇锦旗夹城暖。 曲水漂香去不归,梨花落尽成秋苑。

### 《湘妃》

作者: 李贺 年代: 唐 筠竹千年老不死,长伴秦娥盖湘水。 蛮娘吟弄满寒空,九山静绿泪花红。 离鸾别凤烟梧中,巫云蜀雨遥相通。 幽愁秋气上青枫,凉夜波间吟古龙。

### 《昌谷读书示巴童》

作者: 李贺 年代: 唐 虫响灯光薄, 宵寒药气浓。 君怜垂翅客, 辛苦尚相从。

## 《洛阳城外别皇甫湜》

作者:李贺 年代:唐 洛阳吹别风,龙门起断烟。 冬树束生涩,晚紫凝华天。 单身野霜上,疲马飞蓬间。 凭轩一双泪,奉坠绿衣前。

#### 《题归梦》

作者: 李贺 年代: 唐 长安风雨夜, 书客梦昌谷。 怡怡中堂笑, 小弟栽涧绿。 家门厚重意,望我饱饥腹。 劳劳一寸心,灯花照鱼目。

## 《河南府试十二月乐词·八月》

作者:李贺 年代:唐

孀妾怨夜长,独客梦归家。傍檐虫缉丝,向壁灯垂花。 帘外月光吐,帘内树影斜。悠悠飞露姿,点缀池中荷。

## 《五粒小松歌》

作者: 李贺 年代: 唐 蛇子蛇孙鳞蜿蜿,新香几粒洪崖饭。 绿波浸叶满浓光,细束龙髯铰刀剪。 主人壁上铺州图,主人堂前多俗儒。 月明白露秋泪滴,石笋溪云肯寄书。

### 《句》

作者:李贺 年代:唐 不见山巅树,摧杌下为薪。日睹井中泥,上出作埃尘。 情知一丘趣,不谢千里印。 倚剑登高台,悠悠送春目。

#### 《莫种树》

作者: 李贺 年代: 唐 园中莫种树, 种树四时愁。 独睡南床月, 今秋似去秋。

## 《追赋画江潭苑四首 其一》

作者:李贺 年代:唐 吴苑晓苍苍,宫衣水溅黄。 小鬟红粉薄,骑马佩珠长。 路指台城迥,罗薰裤褶香。 行云沾翠辇,今日似襄王。

## 《日出行》

作者:李贺 年代:唐 白日下昆仑,发光如舒丝。 徒照葵藿心,不照游子悲。 折折黄河曲,日从中央转。 谷耳曾闻,若木眼不见。 奈尔铄石,胡为销人? 羿弯弓属矢,那不中足。 令久不得奔?讵教晨光夕昏!

## 《高轩过(韩员外愈、皇甫侍御湜见过,因而命作。)》

作者:李贺 年代:唐

华裾织翠青如葱,金环压辔摇玲珑。

马蹄隐耳声隆隆,入门下马气如虹。 云是东京才子,文章巨公。 二十八宿罗心胸,九精照耀贯当中; 殿前作赋声摩空,笔补造化天无功。 庞眉书客感秋蓬,谁知死草生华风; 我今垂翅附冥鸿,他日不羞蛇作龙。

#### 《嘲少年》

作者:李贺 年代:唐 青骢马肥金鞍光,龙脑如缕罗衫香。 美人狭坐飞琼觞,贫人唤云天上郎。 别起高楼临碧筱,丝曳红鳞出深沼。 有时半醉百花前,背把金丸落飞宫。 自说生来未为客,一身美妾过三百。 岂知斸地种田家,官税频催没人意言。 长金积玉夸豪毅,每揖闲人多意贵。 生来不读半行书,只把黄金买身是。 灾年安得长少年?海波尚变为桑田。 荣枯递转急如箭,天公岂肯于公偏。 莫道韶华镇长在,发白面皱专相待。

## 《三月过行宫》

作者:李贺 年代:唐 渠水红繁拥御墙,风娇小叶学娥妆。 垂帘几度青春老,堪锁千年白日长。

### 《追和柳恽》

作者: 李贺 年代: 唐 汀洲白苹草,柳恽乘马归。 江头楂树香,岸上蝴蝶飞。 酒杯箬叶露,玉轸蜀桐虚。 朱楼通水陌,沙暖一双鱼。

#### 《正月》

作者:李贺 年代:唐 上楼迎春新春归,暗黄著柳宫漏迟。 薄薄淡霭弄野姿,寒绿幽风生短丝。 锦床晓卧玉肌冷,露脸未开对朝暝。 官街柳带不堪折,早晚菖蒲胜绾结。

## 《梁台古愁(一作意)》

作者:李贺 年代:唐 梁王台沼空中立,天河之水夜飞入。 台前斗玉作蛟龙,绿粉扫天愁露湿。 撞钟饮酒行射天,金虎蹙裘喷血斑。 朝朝暮暮愁海翻,长绳系日乐当年。 芙蓉凝红得秋色,兰脸别春啼脉脉。 芦洲客雁报春来,寥落野湟秋漫白。

## 《送沈亚之歌》

作者:李贺 年代:唐

吴兴才人怨春风,桃花满陌千里红。紫丝竹断骢马小,家住钱塘东复东。白藤交穿织书笈,短策齐裁如梵夹。雄光宝矿献春卿,烟底蓦波乘一叶。春卿拾材白日下,掷置黄金解龙马。携笈归江重入门,劳劳谁是怜君者。吾闻壮夫重心骨,古人三走无摧捽。请君待旦事长鞭,他日还辕及秋律。

### 《闰月》

作者:李贺 年代:唐 帝重光,年重时。 七十二候回环推, 天官玉管灰剩飞。 今岁何长来岁迟, 王母移桃献天子, 羲氏和氏迂龙辔。

## 《冯小怜》

作者:李贺 年代:唐 湾头见小怜,请上琵琶弦。 破得春风恨,今朝值几钱。 裙垂竹叶带,鬓湿杏花烟。 玉冷红丝重,齐宫妾驾鞭。

## 《章和二年中》

作者:李贺 年代:唐 云萧索,田风拂拂,麦芒如彗黍如粟。 关中父老百领襦,关东吏人乏诟租。 健犊春耕土膏黑,菖蒲丛丛沿水脉。 殷勤为我下田租,百钱携偿丝桐客。 游春漫光坞花白,野林散香神降席。 拜神得寿献天子,七星贯断嫦娥死。

#### 《送韦仁实兄弟入关》

作者:李贺 年代:唐 送客饮别酒,千觞无赭颜。何物最伤心?马首鸣金环。 野色浩无主,秋明空旷间。 坐来壮胆破,断目不能看。 行槐引西道,青梢长攒攒。 韦郎好兄弟,叠玉生文翰。 我在山上舍,春声暗交关。 夜雨叫租吏,春声暗交关。 谁解念劳劳?苍突唯南山。

## 《经沙苑》

作者: 李贺 年代: 唐 野水泛长澜,宫牙开小茜。 无人柳自春,草渚鸳鸯暖。 晴嘶卧沙马,老去悲啼展。 今春还不归,塞嘤折翅雁。

## 《花游曲》

作者:李贺 年代:唐

春柳南陌态,冷花寒露姿。今朝醉城外,拂镜浓扫眉。 烟湿愁车重,红油覆画衣。舞裙香不暖,酒色上来迟。

## 《酬答二首 其二》

作者:李贺 年代:唐 雍州二月梅池春,御水鵁鶄暖白苹。 试问酒旗歌板地,今朝谁是拗花人。

### 《苦篁调啸引》

作者:李贺 年代:唐 请说轩辕在时事, 伶伦采竹二十四。 伶伦采之自昆丘, 轩辕诏遣中分作十二。 伶伦以之正音律, 轩辕以之调元气。 当时黄帝上天时, 二十三管咸相随。 唯留一管人间吹, 无德不能得此管, 此管沉埋虞舜祠。

## 《还自会稽歌》

作者:李贺 年代:唐

野粉椒壁黄,湿萤满梁殿。台城应教人,秋衾梦铜辇。 吴霜点归鬓,身与塘蒲晚。脉脉辞金鱼,羁臣守迍贱。

#### 《追赋画江潭苑四首 其三》

作者: 李贺 年代: 唐 剪翅小鹰斜, 绦根玉镟花。 鞦垂妆钿粟, 箭箙钉文竹。 狒狒啼深竹, 鵁鶄老湿沙。 宫官烧蜡火, 飞烬污铅华。

### 《假龙吟歌》

作者: 李贺 年代: 唐 石轧铜杯,吟咏枯瘁。 苍鹰摆血,白凤下肺。 桂子自落,云弄车盖。 木死沙崩恶溪岛,阿母得仙今不老。 窞中跳汰截清涎,隈壖卧水埋金爪。 崖蹬苍苔吊石发,江君掩帐筼筜折。 莲花去国一千年,雨后闻腥犹带铁。

### 《安乐宫》

作者:李贺 年代:唐 深井桐乌起,尚复牵清水。 未盥邵陵瓜,瓶中弄长翠。 新成安乐宫,宫如凤凰翅。 歌回蜡板鸣,左悺提壶使。 绿蘩悲水曲,茱萸别秋子。

## 《追赋画江潭苑四首其四》

作者:李贺 年代:唐 十骑簇芙蓉,宫衣小队红。 练香熏宋鹊,寻箭踏卢龙。 旗湿金铃重,霜干玉镫空。 今朝画眉早,不待景阳钟。

《谢秀才有妾缟练,改从于人,秀才引留之不得,后生感忆。座人制诗嘲谢,

## 贺复继四首。》

作者: 李贺 年代: 唐 谁知泥忆云,望断梨花春。荷丝制机练,竹叶剪花裙。 月明啼阿姊,灯暗会良人。也识君夫婿,金鱼挂在身。

## 《咏怀二首》

作者:李贺 年代:唐 长卿怀茂陵,绿草垂石井。 弹琴看文君,春风吹鬓影。 梁王与武帝,弃之如断梗。 惟留一简书,金泥泰山顶。

日夕著书罢,惊霜落素丝。 镜中聊自笑,讵是南山期。 头上无幅巾,苦蘗已染衣。 不见清溪鱼,饮水得自宜。

#### 《十二月》

作者: 李贺 年代: 唐 日脚淡光红洒洒,薄霜不销桂枝下。 依稀和气排冬严,已就长日辞长夜。

## 《酬答二首其一》

作者:李贺 年代:唐 金鱼公子夹衫长,密装腰鞓割玉方。 行处春风随马尾,柳花偏打内家香。

## 《追赋画江潭苑四首 其二》

作者:李贺 年代:唐 宝袜菊衣单,蕉花密露寒。 水光兰泽叶,带重剪刀钱。 角暖盘弓易,靴长上马难。 泪痕沾寝帐,匀粉照金鞍。

## 《蝴蝶飞(一作蝴蝶舞)》

作者: 李贺 年代: 唐 杨花扑帐春云热, 龟甲屏风醉眼缬。 东家蝴蝶西家飞, 白骑少年今日归。

## 《昌谷诗 五月二十七日作。》

作者:李贺 年代:唐

昌谷五月稻,细青满平水。

遥峦相压叠,颓绿愁堕地。

光洁无秋思,凉旷吹浮媚。

竹香满凄寂,粉节涂生翠。

草发垂恨鬓,光露泣幽泪。

层围烂洞曲, 芳径老红醉。

攒虫锼古柳 , 蝉子鸣高邃。

大带委黄葛,紫蒲交狭涘。

石钱差复籍,厚叶皆蟠腻。

汰沙好平白,立马印青字。

晚鳞自遨游,瘦鹄暝单峙。

嘹嘹湿蛄声,咽源惊溅起。

纡缓玉真路,神娥蕙花里。(原注:近武后巡幸路。)

苔絮萦涧砾, 山实垂赪紫。

小柏俨重扇,肥松突丹髓。

鸣流走响韵, 垄秋拖光穗。

莺唱闵女歌,瀑悬楚练帔。

风露满笑眼, 骈岩杂舒坠。

乱筱迸石岭,细颈喧岛瑟。

日脚扫昏翳,新云启华閟。

谧谧厌夏光,商风道清气。

高眠服玉容,烧桂祀天几。

(原注:谷与女山岭阪相承,山即兰

雾衣夜披拂,眠坛梦真粹。

香神女上天处也,遗几在焉。)

待驾栖鸾老,故宫椒壁圮。(原注:福昌宫在谷之东。)

鸿珑数铃响,羁臣发凉思。

阴藤束朱键,龙帐着魈魅。

碧锦帖花柽,香衾事残贵。

歌尘蠹木在,舞彩长云似。

珍壤割绣段,里俗祖风义。

邻凶不相杵,疫病无邪祀。 鲐皮识仁惠,总角知腼耻。 县省司刑官,户乏诟租吏。 竹薮添堕简,石矶引钩饵。 溪湾转水带, 芭蕉倾蜀纸。 岑光晃縠襟,孤景拂繁事。 泉樽陶宰酒,月眉谢郎妓。 丁丁幽钟远,矫矫单飞至。 霞巘殷嵯峨,危溜声争次。 淡蛾流平碧,薄月眇阴悴。 凉光入涧岸, 廓尽山中意。 渔童下宵网,霜禽竦烟翅。 潭镜滑蛟涎 , 浮珠噞鱼戏。 风桐瑶匣瑟, 萤星锦城使。 柳缀长缥带, 篁掉短笛吹。 石根缘绿藓,芦笋抽丹渍。 漂旋弄天影,古桧拿云臂。 愁月薇帐红,胃云香蔓刺。 芒麦平百井,闲乘列千肆。 刺促成纪人,好学鸱夷子。

## 《箜篌引(又名公无渡河)》

作者:李贺 年代:唐 公乎公乎,提壶将焉如? 屈平沈湘不足慕,徐衍入海诚为愚。 公乎公乎,床有菅席盘有鱼。 北里有贤兄,东邻有小姑。 陇亩油油黍与葫,瓦甒浊醪蚁浮浮。 黍可食,醪可饮,公乎公乎其奈居。 被发奔流竟何如?贤兄小姑哭呜呜。

## 《官不来(题皇甫湜先辈厅)》

作者:李贺 年代:唐 官不来,官庭秋, 老桐错干青龙愁。 书司曹佐走如牛, 叠声问佐官来不? 官不来,门幽幽。

#### 《京城》

作者:李贺 年代:唐 驱马出门意,牢落长安心。 两事向谁道?自作秋风吟。

#### 《杂曲歌辞·少年乐》

作者:李贺 年代:唐 芳草落花如锦地,二十长游醉乡里。红缨不重白马骄,垂柳金丝香拂水。吴娥未笑花不开,绿鬓耸堕兰云起。 陆郎倚醉牵罗袂,夺得宝钗金翡翠。

### 《河南府试十二月乐词·四月》

作者: 李贺 年代: 唐 晓凉暮凉树如尽,千山浓绿生云外。依微香雨青氛氲, 腻叶蟠花照曲门。金塘闲水摇碧漪,老景沉重无惊飞, 堕红残萼暗参差。

# 《兰香神女庙(三月中作)》

作者:李贺 年代:唐

古春年年在,闲绿摇暖云。松香飞晚华,柳渚含日昏。沙砌落红满,石泉生水芹。幽篁画新粉,蛾绿横晓门。弱蕙不胜露,山秀愁空春。舞珮剪鸾翼,帐带涂轻银。兰桂吹浓香,菱藕长莘莘。看雨逢瑶姬,乘船值江君。吹箫饮酒醉,结绶金丝裙。走天呵白鹿,游水鞭锦鳞。密发虚鬟飞,腻颊凝花匀。团鬓分蛛巢,秾眉笼小唇。弄蝶和轻妍,风光怯腰身。深帏金鸭冷,奁镜幽凤尘。踏雾乘同归,撼玉山上闻。